

MEMORANDUM O RAZUMJEVANJU

između

Udruženje za razvijanje programa podrške i integracije osoba treće životne dobi „Krug Života“ (Udruženje „Krug Života“)

i

Fakulteta političkih nauka Sarajevo (FPN)

Ovaj memorandum o razumjevanju (u daljem tekstu: Memorandum) je sačinjen i potpisan -Datum- od strane između:

- Udruženja za razvijanje programa podrške i integracije osoba treće životne dobi „Krug Života“ (u daljem tekstu Udruženje „Krug Života“), koji se nalazi na adresi Brčanska 1, Sarajevo, kog zastupa Predsjednik, Edisa Salkanović, i
- Univerzitet u Sarajevu, Fakultet političkih nauka (u daljem tekstu: FPN), obrazovne institucije koja se nalazi na adresi Skenderija 72, Sarajevo, kog zastupa Dekan, Prof. Dr. Sead Turčalo

Član 1.

(Predmet i cilj Memoranduma o razumjevanju)

Udruženje Krug Života zajedno sa FPN su dogovorili uzajamnu podršku sa ciljem pružanja prilika za stažiranje i obavljanje prakse za kvalifikovane studente i diplomante fakulteta. Potpisivanjem ovog Memoranduma pružit će se prilika studentima da steknu praktično iskustvo u radu sa Udruženjem „Krug Života“ na programima podrške i integracije osoba treće životne dobi, a istovremeno bi omogućio Udruženju Krug Života da iskoristi vještine i znanja talentovanih mladih ljudi. Također, potpisivanje ovog Memoranduma ima za cilj podršku studentima i diplomantima fakulteta kako bi efikasnije i efektivnije doprinijeli struci, svom profesionalnom razvoju i funkcionisanju te time doprinijeli boljem:

(a) Promovisanju osnovnih ljudskih prava osoba treće životne dobi kako se to i garantira međunarodnim standardima koje je Bosna i Hercegovina prihvatila u razvojnim dokumentima od prve Razvojne strategije Bosne i Hercegovine, pa sve do novih razvojnih dokumenata uključujući Strategiju socijalne uključenosti koju su do sada usvojili Federacija BiH i Distrikt Brčko.

(b) Pružanje praktične pomoći programima podrške i integracije osoba treće životne dobi, socijalna inkluzija;

(c) Promoviranje osnovnih ljudski prava starih osoba u konačnici njihovo osiguranje i ostvarivanje i institucija kroz obrazovanje;

Član 2.

(Oblast saradnje)

Kako bi postigli ciljeve navedene u članu 1. ovog Memoranduma, Udruženje „Krug Života“ zajedno sa FPN su saglasni da će studenti biti angažovani u sljedećim oblastima:

- (a) Organizovanje seminara, radionica i drugih događaja u cilju promocije ljudski prava osoba treće životne dobi i institucija;
- (b) Razvijanje programa podrške i integracije osoba treće životne dobi;
- (c) Pružanje pomoći građanskim udruženjima u izgradnji kapaciteta, zagovaranju i drugim relevantnim pitanjima;
- (e) Istraživanje i analiza o ljudskim pravima i srodnim temama;

Član 3.

(Implementacija)

Udruženje „Krug Života“ i FPN će implementirati ovaj Memorandum u skladu sa svojim odgovarajućim mandatima, programima i procedurama, i na način u skladu sa njihovim vrijednostima i principima.

Član 4.

(Praćenje i evaluacija)

Udruženje „Krug Života“ i FPN će redovno pratiti implementaciju ovog Memoranduma i preduzimati periodične preglede kako bi ocijenili njegovu djelotvornost i identificirali područja za poboljšanje.

Član 5.

(Stupanje na snagu i trajanje Memoranduma o razumjevanju)

Ovaj Memorandum stupa na snagu danom potpisivanja od strane ovlaštenih lica potpisnika Memoranduma a odnosi se na akademsku školsku godinu 2024/2025., a može se raskinuti u svako doba sporazumno ili jednostrano ukoliko Memorandum ne odgovara ciljevima zbog kojih je zaključen.

Član 6.

(Ostale odredbe)

Izmjene i dopune ovog memoranduma mogu se vršiti samo sporazumom potpisnika Memoranduma i pismenim putem.


Ovaj Memorandum o razumjevanju je zaključen u četiri (4) istovjetna primjeraka, od kojih svaka strana zadržava po dva (2).

Udruženje "Krug Života"



Edisa Salkanović, predsjednik

Fakultet političkih nauka



Prof. Dr. Sead Turčalo, dekan